


東湖遊



嘉慶戊辰春鐫

東湖志

府學藏板

東湖志序

余曩佐治杭州偶覽西湖志分五路列志
州次條貫井然及奉
命蒞台公餘之暇抽閱前守張覺庵天台山志首名
勝終藝文各自爲卷雖非志例而列代騷人墨客之
作皆得依類編次蓋志山水與志郡邑不同山水非
藝文不傳康樂無詩雁宕以晦賀監乞歸鑑湖遂顯
是也台郡東偏負城爲湖自宋熙寧年始其宜洩防
捍之利于民者具詳前人碑記而亭榭花木之觀綠
碧紆青時見諸名流題詠余始至案牘旁午未暇一

東湖志序

問名勝蹟去歲旱甚祈雨於白龍潭之神幸獲有秋
乃築祠于樵雲樓故址以時行禮往來湖上顧流盃
浣月諸勝謀復舊觀而費無所出懼其蹟之遂湮也
思訪采舊聞傳諸紀載以待後之人因選郡士洪子
震煊沈子河斗郭子協寅其爲纂述書未竣適余攝
監司事往蒞永嘉復屬郡學博沈君焯使成之茲湖
周廣里餘不及西湖二十分之一既不能區分門類
姑隨其路之遠近與其址之存圯畧加次第彙輯成
卷思仍天台山志之例則藝文之多又數倍于名勝
標題錯雜開卷未易了然因倣范石湖吳郡志以地



爲綱而採詩古文散附各條之下庶此事屬詞不失古法俾讀者知昔日士大夫觴咏之盛其流風餘韻炳耀桑梓可以有所慕而興起而名遠勝槩亦得與詞藻同傳不至日就蕪沒未必非修復之見端也是爲序嘉慶九年歲在甲子三月上巳敖漢特通阿書

東湖志卷上

朝議大夫知台州府事特通阿輯

東湖在台郡崇和門外負郭爲湖凡一萬六千步宋
端拱二年郡守張蔚建船塢水軍營後廢船塢嘉祐
中郡守徐億徙水軍營入城熙寧四年郡守錢暄始
開爲湖紹興二十年郡守蕭振載加修闢乾道五年
郡守向洵復披故道創城闔斗門又葺故斗門築三
閘以通江淳熙十一年郡守江乙祖重修慶元二年
郡守劉坦之重修明宏治十年郡守陳相重修萬歷
十二年御史范鳴謙按部至台檄郡守張會宗邑令

東湖志

卷上

周孔教重濬崇禎時邑令周家棟周壽明皆捐資重
濬迨

國朝康熙十八年郡守鮑復泰重濬五十六年郡守
張聯元重修乾隆四十一年郡守衛詣重脩按湖源
有二其一受城中之水城北據大固山每當積雨淫
潦勢如建瓴驟不得泄則閭里受其患必使會衆溝
水東趨啓斗門而注之湖然後民得安宅其一受山
宮溪之水源自百丈巖白龍潭瀑水至通明橋分爲
二一穿橋南下入于湖一稍東出南入于江

脩東湖記

宋王廉清

天台爲郡負山帶江地形嶮巖草木翳蒼人烟
繁夥萬室鱗比隨山高下無平川大陸以達水
怒每陰雨霖霖則水泉潰薄澗輸壑委奔流疾
走自高而下如建瓴于高屋之上閭里之民咸
懷決溢之懼厥初經營智者相攸鑿湖于城東
當衆山縈滙之要以受百水卽城徑庭爲瀆以
疏之湖高而江低並湖爲斗門泄水以注之江
早則瀦蓄以待灌溉之須民用奠居無復水患
歲月旣久畔援施易土石傾圯啓塞無時蓋自
皇祐熙寧以迄于今屢作屢廢至是極矣每大

風雨至闌闌寢有蕩沃之虞水無所歸不循其
流理則然也乾道五年冬秘閣河內向公以淮
南連帥移守是邦始是見吏民具宣天子德意
問民所疾苦舊聞此湖湮廢弗除卽躬至其所
環眡利病攷卜協日興工以役公以浙東路兵
馬都監開封俞紳才幹有餘敏于集事卽檄以
董之臨海令會稽陳居安以民功薦聞興利除
菑實惟其職公乃覈舊迹披故道昔之沮礫鬱
積者今疏鑿之昔之侵漁而虧者今疆理之浚
城中之水溝剗城闔之斗門覆以亭屋以引左

右之水以達懷義橋之南北又卽湖東故城之址舊斗門築三閘以通口江總爲斗門者六爲亭者一凡湖其南方東西十六丈五尺其北方東西六十五丈五尺南北通袤三百二十丈計其廣輪二百十三畝有奇其深七尺興工于六年二月之丙戌而迄于三月之壬戌凡用工八千九百有奇長隄崇崇清沙綿綿夏屋渠渠坊址暨暨不勞于民不擾于市宏壯深廣煥然一新焉烏虜偉哉厥功告成郡僚邦人咸願刻石紀績屬僕以文乃爲之記曰惟昔水利取備于

周官溝洫澮川遂人掌之葦末止水均水舍水寫水詳于稻人在漢名信臣杜詩號爲循吏之冠其功始于鑿六石門晉杜元凱儒者之宗請二千石脩理堰谷以積其水原其用心豈專爲耕耨浸灌之計哉惟公夙以風力知畧爲世吏師凡所興郡國興滯補弊揅奸隸之機掃險健之訟施惠于斯民以廣我國家之盛德是役也披榛又荒窮源探本發明前人久廢之積推尋百里湮汨之敝啓作竣事必躬必親無一弗盡以爲邦人末末無窮之利用心亦可謂闔矣公

今行且歸闕左右帝旁推此心以利天下顧豈
久留于郡哉凡此父老戴公之賜自今其謹儲
泄之節相曠潦之宜疏導以時滄汙無壅甘棠
規首之思俾末勿壞尚千百年公之惠澤其有
既乎

重脩東湖記

明 秦鳴雷

台之東湖負郡郭為湖者也以其居于東偏也
故名按宋初為水軍營嘉祐中徐守億徙營于
城拓而為湖則熙寧四年錢守暄也湖為闌三
中建堂為共樂亭為流盃規制甚備其時翠激

東湖志

卷上

四

搖岸澄波洗月峯巒列障桃柳盈隄為一郡之
勝焉嗣後遞塞遞開入我國朝宏治丁巳陳守
相復為脩濬之以迄于今無有踵其美者湖遂
積為習坎灌莽之區曩時之勝人徒想像于暮
烟清波而不可得矣豪民因占墾為田志所載
一萬六千步者合二湖而僅存其三之二耳萬
歷甲申侍御范公奉命按浙風裁獨持民懷吏
畏行部至台南竣事即覽輿圖之勝弔樵夫之
亭徘徊湖側乃喟然歎曰此湖也漫漶若此可
復其故名乎第開與塞亦有關於郡治否也於

是父老進曰台負山爲郡而形勝獨詘於東偏
况有警則騎可徑薄城下昔人營水軍於此良
有深意比去營而湖與南津相爲環抱亦有限
帶封域或龍見而雲順勢導流則貫畦浮滕爲
漑奚啻千頃又堪輿家言湖不瀦水則襟抱虧
流風氣宣洩居人靡寧由斯而言則湖之於郡
所以固風氣扞寇踰而興民利也敢云無益哉
公曰嘻余實代天子以巡省方岳者也是故以
明天時則觀雲物以保地利則觀山川以察人
和則觀謠俗顧止於持柱後惠文冠搏擊大猾

已耶乃進郡守張君會宗俾總其成屬邑令周
君孔教俾任其事且戒曰毋病民毋耗費毋徂
目前仍貽其難於後之人二君奉命惟謹顧兵
災之餘邑民儉迫帑藏告誦難以驟役大費筭
之無所出獨幸一時郡邑之政與民爲便衆爲
之附重以周令臨事有先物之智與見義之勇
故議不煩於衆慮不動於民經畫盈縮悉中肯
綮力取耕耘之暇食取公儲之粟而又度地分
工均其勞逸民乃大悅不俟促而自課雷動雲
行畚缶齊舉周君坐署中治事如他日而以畢

事告矣湖之深可通舟其濬則護以木柵以防崩嚙其岸則築以高岡以植桃柳置斗門于前以節旱潦徙樵夫祠於北以便妥靈繕占田之入於官以備脩濬中若堂若亭若橋結構如舊制而稍增益之湖之規制遂大備矣用夫以工計者六萬九千五百三十有八用粟以石計者三千三百三十有七云周君持幣詣予請曰斯役也非侍御公倡議經維於上則僕等安能爲役夫公私享無疆之休則亦相與戴公以無疆之澤予大夫幸賜一言紀之以垂永久予曰誠

然哉誠然哉而予亦享公之休者其何敢辭然不能不因而有感於世故云爾蓋先王設官雖維以上下之分而實聯以其濟之情故和衷協恭天下事未有不致于理者自後世文密法詳體勢懸隔長吏始有不自得之心以避事爲良策卽利害所繫朝不及夕猶逡巡却步者比比是也若湖非在窮山邃谷間而廢棄如是其久吏茲土者能一不慨於中邪豈皆憚勞費坐因循也此其故可知矣幸茲侍御公文學節槩爲臺省名流且趨舉雄步思力變世吏之習獨執

體要虛心盡下而吾郡邑諸君遂得殫力畢志以效其才故成功如此其易易斯古之道也公今得代還朝矣握要秉樞固且夕事當益廣其志意爲國家培元氣成寬裕隆平之治俾中外臣工有以自盡而無不自得之心將無偏不舉無利不興而三代之治可復矣豈區區一郡蒙其休哉公名鳴謙舉辛未進士直隸江陰人張君與公同榜進士閩之晉江人周君江西臨川人則庚辰進士也時樂觀其成者同知通海趙君汝誼通判望江李君彥推官同安王君道顯

東湖志

卷上

七

於法皆得書

重脩東湖記

國朝 鮑復泰

東湖爲三台名勝山宗華頂水合海門一大觀也州人士女游泳其間出郭之東不數武而卽其地故名東湖若夫澄泓千頃碧嶂四圍花柳扶疎禽魚上下樓臺亭榭畫鷁雙虹隱現于烟光雲影中者不啻方壺蓬島焉舊稱小瀛洲信然此台之有東湖猶武林之西湖禹航之南湖構李之駕湖會稽之鑑湖同一勝槩爾湖自宋太守錢公暄開之於前明末郡邑諸公重濬於

後郡人秦宗伯記之未幾兵火變遷人民塗炭
鞠爲茂草間有踵事增華無繼響矣余自戊午
來守是邦迎春東郊同寅祖王二公爲余言之
余慨然有脩舉志第台值蕩平之後瘡痍未起
元氣未復撫綏休息固勿暇及瑛申壺陽張太
史觀察涖台遂有同志亟勸其成余卽捐資命
巡檢李大訓董其事尤賴文武執政紳袍諸公
共襄盛典無何樓臺鼎峙亭榭翬飛雙橋跨水
畫漿剪波兩隄桃柳成蹊前後松筠夾道且也
芰荷吐艷於芳渚禽鳥翔泳乎水國碧嶂四圍

澄泓千頃古稱瀛洲洵非誣者雖武林之西湖
禹航之南湖橋李之鴛湖會稽之鑑湖殆不是
過以至遊人士女畫船簫鼓游泳其間者晝夜
不輟台之父老皆樂觀太平云余公餘之暇常
攜二三知己一觴一詠足以暢叙幽情卽有剖
斷之事就湖中了之民更稱便不亦樂乎哉攷
是湖爲樵夫殉節之處相去里許有方正學祠
久荒廢已余特合祠樵夫正學於湖陰蓋二先
生皆殉靖難者一身十族顯晦雖殊其揆一也
後之士女過斯湖者益知有清風高節之感余

之草創如此其踵事增華者端有俟於後之君子是役也不傷民財不勞民力匠作夫役竹木瓦石悉發工價衆志僉同子來効力不三月而成之誠千秋盛舉也誠萬民悅服也誠山水大觀也故爲之記

募濬築東湖序

張秉甄

凡郡邑皆有遊觀之所然或其地遼遠則選勝者希至焉吾台城中之山曰巾山城外之水曰東湖皆一舉足而得快其遊觀之志雖僅培塿沼沚而寓目之頃均足遺世而忘憂晦明朝暮

東湖志

卷上

九

人迹不絕豈非以其境之近而有取乎爾哉始之鑿是湖也實合城北諸山之水委輸其中縱橫不過里許而釣有磯臥有石酌有亭曲岸畫杠虛堂寶室靡不畢具春則天桃弱柳夏則紅菖海榴秋則白蘋丹楓冬則蕉花梅萼四時嘉卉紛敷如綺嘗稱爲小瀛洲云異時士大夫屏居里門類多詩文名世不治生產日與騷人詞客連吟互唱園林之盛無忝洛下故茲湖之勝益增兵燹以來漸就湮塞覽者不啻滄桑之感會今三韓鮑公以鄂州司馬遷守我台不匝月

而德孚化洽爰於聽政之暇詢求名勝乃訪湖濱得樵夫故址慨然憑弔托諸詩歌因謂過首陽者懷二士之高泛沅湘者想三閭之節茲湖之盛衰亦風教所由繫也遂擇僧之朴而謹曰某者俛募而濬之余聞而喜曰公之意善夫昔白傅刺杭開西湖以利杭民至宋而子瞻重脩之兩公始慮特爲民資灌溉之益耳而千百年來遂成最勝之地公今景行前哲故垂意於茲湖異日士女嬉遊名賢臨賞攀芳曲徑之旁拾翠清流之澣將毋與白蘇遺迹同一低徊也哉

余雖遠遜吾鄉諸先輩尚欲如季直割取鑑湖以娛餘齒焉因題其首以倡諸君云

東湖紀興唱和詩序

明章 販

景泰紀元之春吾邑應君志和爲郡庠司訓講學之餘偕諸友出遊東郭時歲序聿新風日曠暢俯視東湖凝冰初解新波漲綠草木向榮沙禽游泳物性各自適焉君於顧視之頃觸諸外而感於中因賦近體詩一章以紀之同遊之士暨詞林之善鳴者咸屬和焉連篇累什葩藻交映傳之當世皆足以膾炙人口未幾君以內艱

去服闋赴天官出是集屬余序惟詩所以言志也志之所之言必形焉今觀是詩可以知君之志矣君世爲黃巖儒族蚤承家學而篤於好古閉關讀易深得義文微旨以復名齋期以踐履爲事雅尚冲靜盤旋邱壑有會意處一於詩焉發之視榮利漠然不以綴意其志之素足者如此故當時名臣交章薦之皆辭不起卒以郡守周公薦勉就郡庠而君猶以好爵之自縻不若林泉之容與也故茲感歲月之更新品物之自適慨然有碧山之想因以形諸詠歌其志之所

存也遠矣視彼汲汲於勢利以得失爲欣戚者果何如哉宜乎一時縉紳士咸高其志而廢歌之成集也雖然易不云乎時止則止時行則行蓋君子之道隨時屈伸初無容心於其間也君以老成之學任師儒之寄向也教思鄉郡臻於成效矣茲調蘭陽又將推而大之使成德達材之士彬彬輩出則吾道之澤所被者遠山是借升要秩以宏厥施庶足究其蘊爾尚俟引年之期言旋舊隱釣遊東湖上以追曩日登臨之樂亦豈晚乎予忝姻鄰知君也深川是序諸篇端

庶幾觀者知其志之所寓因以爲君勉焉

東湖賦

國朝 侯嘉縉

台州海澗島嶼冥冥聚而爲城之赤衍而爲江之靈乃有一曲傍于郊坰橋通則資夫觴詠山繞而列作翠屏士大夫游觀至此莫不如入明聖之湖如登豐樂之亭以爲放閘頭之水可漑平疇萬畝抱城闈之險直阻下瀨千丁嘆前賢之疏鑿甚善一郡之家室攸寧爾其春水瀾漫秋光澹沲夏雲飄颻冬日暄和臨斯湖以宕漾盼雙幘之嵯峨四氣融液萬象駢羅不獨香沾

東湖志

卷上

三

金粟雨戰風荷月籠柳浦雪點梅坡鼓木蘭之樵習簪簪之歌是月也北陸初凝東臯憑眺登伏威之城頭發公綏之長嘯烏相豔而爭紅鶴鷗靜而不叫石欄水閣初添坡老之船竹次花陰斜隱山公之榻小亭如笠以孤懸夕陽似錦而倒照則見夫潭潭碧沼環抱城隅日影浴乎鷗鷺水色亂夫菰蒲樵雲翠聳浣月光鋪雨露揚柳之橋魚灣鱗舍香散桃花之塢雅歌投壺青草印麀麀之跡綠波聽鳧鳴之呼髣髴兮集蘭亭之勝依稀兮披輞水之圖剡苔別蘚乃拊

石而弔樵夫夫其燕子飛來龍孫避去華表之
鶴何歸汨羅之魚斯聚忠魂恻恍猶過秀才之
隄義魄浮沉尚繞將軍之樹薦秋菊以寒泉采
芳蘭于碧渚二百餘年來猶足使立懦廉頑爲
尋樵者之故處別有峩峩石闕曰小瀛洲萬頃
蕩冰壺之月兩湖夾金鏡之秋紫陽朱子之所
留題碧山學士之所邀遊于肯樂兮常集東南
之美願從公平而追李郭之舟

東湖共樂堂

宋錢 暄

疏就湖山秀氣濃花林茂列景爭雄管絃交奏

東湖志

卷上

三

客歡合臺榭競登人喜同環障鷺行飛早晚平
波魚陣躍西東荒蕪芟去成佳致換得汀洲月
與風

汪 泌

臨海城東湖氣象清且奇無風綠色淨十頃澄
瑠璃中有共樂堂今其名者誰人有答我問太
守下車時訪民所疾苦民曰水最危其水或暴
至城壞民流屍公謀得上策壘石完城基外遺
數百家室屋鱗參差水至無所障適與漂溺期
又欲隄其東苦乏土石咨開湖足取用隄勢橫